

15 Januarie 2024

Nuusbrief Nr. 1 van 2024

Geagte Ouers / Voogde

Baie welkom terug na die vakansie. 'n Spesiale woord van verwelkoming aan alle nuwe leerlinge, sowel as ouers wat vanjaar vir die eerste keer deel is van Laerskool Eligwa. 'n Gelukkige en voorspoedige 2024 word u almal toegewens en ons vertrou dat ons weereens goeie samewerking sal hê om van hierdie jaar 'n groot sukses te maak.

### 1. PERSONEELSAKE

Baie geluk aan Mev. Lana Swart met haar permanente departementele aanstelling in die sekretariële pos en Mev. Marilia Groenewald in die beheerliggaam sekretariële pos. Baie geluk met die aanstellings en mag u sommer baie gelukkig wees.

### 2. SKOOLTYE

Die onderskeie skooltye vir die grade is as volg:

Gr. RR–R: 07:30 – 12:30 – gebruik hul eie hekkie by Kiewietsnes.

Gr. 1: 07:25 – 13:00 – gebruik hek 4 in die oggend en in die middag.

Gr. 2: 07:25 – 13:00 – gebruik hek 4 in die oggend en in die middag.

Gr. 3: 07:25 – 13:15 – gebruik hek 4 in die oggend en in die middag.

Gr. 4 – 7: 07:25 – 13:45 – gebruik almal hek 1 en hek 4 om die terrein binne te kom en dan die volgende hekke om die terrein te verlaat.

Gr.4, 5 en Gr.6 – hek 4

Gr.7 – hek 5

Laai asseblief u kinders betyds by die skool af. Die toegangshekke sluit om 07:25. Dit is baie steurend vir die personeel indien leerlinge laat by die klasse arriveer en daar reeds met die lesse begin is. Neem ook kennis van die volgende: **Kantoorure : 07:00 tot 14:45.**

#### **Personeelhekke**

Hek 1 en hek 3 is slegs vir personeel. **GEEN** ander voertuie word voor of na skoolure op die terrein toegelaat nie. Moet asseblief nie voor die hek staan en toeter blaas nie. Die personeel is versoek om nie die hek vanaf hulle klasse oop te maak nie.

Geen voertuig mag voor die skuifhekke parkeer en/of stilhou vir watter tydperk ook al nie.

**NEEM KENNIS DAT ALLE TOEGANGSHEKKE OM 14:30 SAL SLUIT BEHALWE HEK 5 WAT OOP SAL WEES TOT 17:00.**

**Let wel: U kind se veiligheid is vir ons belangrik en daarom vra ons u om bogenoemde reëlins te respekteer. In geval van reën sal alle toegangshekke oop wees.**

### 3. ATLETIEK

Die interhuisbyeenkoms vind Vrydag, 19 Januarie 2024 in skooltyd plaas waarna die skoolspan gekies sal word vir verdere byeenkomste. Programme word teen R5 by die snoepie verkoop en die skool sluit om 13:00 na afloop van die byeenkoms.

**SIEN OEFENPROGRAM**

### 4. AKADEMIE

Asseseringstoetse sal soos in die verlede op Dinsdae en Donderdae geskryf word. Dit haal druk van die leerlinge, ouers en personeel af omrede dit dus oor die hele kwartaal versprei sal wees. Kleiner toetse sal wel ook op ander dae geskryf word.

Neem asseblief kennis dat skool normaalweg sal voortgaan na afloop van die assesering en dat **GEEN** kind uitgeteken mag word na afloop van die assesering nie, omrede personeel voortgaan met klasaanbiedings ten einde die sillabus te voltooi. Volgehoue en pligsgetroue werk dwarsdeur die jaar bepaal sukses en nie net die formele asseseringsgeleenthede nie.

## 5. BESOEKE AAN DIE SKOOL

Indien u die skool wil besoek om sake rakende u kind te bespreek, is u meer as welkom om dit **asseblief per afspraak** te doen sodat koördinering kan plaasvind en daar nie onnodige tyd verlore sal gaan nie. Wanneer u die skool besoek, versoek ons u vriendelik om eers by die kantoor aan te meld.

- 5.1 Akademiese navrae:** Afspraak met onderwyser en/of Me.L. Herholdt (Grondslagfase) of Mev. C.Wilken (Adjunkhoof) en Mnr. H. Botha (Intersen-en Senior fase)
- 5.2 Sport- en Kultuur navrae:** Afspraak met betrokke afrigter en/of mnre. H. Botha en B. Boshoff (sport) en Mev. D. Oosthuizen (kultuur).
- 5.3 Gedragsprobleme:** Afspraak met betrokke onderwyser en/of mnre. H. Botha en B.Boshoff
- 5.4 Finansiële navrae / reëlings:** Mev. E. van Wyk.

## 6. SKOOLGELD

Die betaalmetodes wat u kan gebruik is EFT of die skool se debietorderstelsel. Indien u van 'n debietorder wil gebruik maak, moet U die nodige vorm by Mev. Van Wyk in die kantoor kry. Indien u 'n EFT betaling doen, moet u die bankbesonderhede asook die leerling se verwysingsnommer aanvra. **Korting van 8%** word toegestaan aan ouers wat die volle bedrag voor einde Maart 2024 betaal.

## 7. SUBSIDIE

Indien u wil aansoek doen vir subsidie of reëlings wil tref met betrekking tot skoolgeld, moet u asseblief die nodige vorm by Mev.E van Wyk in die kantoor afhaal. Dit moet asseblief volledig terugbesorg wees voor of op 29 Februarie 2024. Die Finansiële Komitee sal u in kennis stel of u aansoek geslaag het. **Geen aansoeke vir subsidie sal na 29 Februarie 2024 aanvaar word nie en die uitstaande rekening is dan u verantwoordelikheid.**  
**Voogskap:** Let asseblief daarop dat slegs 'n amptelike bewys wat aantoon dat 'n leerling in voogskap geplaas is, aanvaar sal word om vir subsidie te kwalifiseer.

## **SIEN UITEENSETTING VAN SKOOLGELD AANGEHEG**

## 8. NASKOOLSENTRUM

Die skool beskik oor die dienste van 'n naskoolsentrum wat daaglik vanaf 12:45 tot 17:30 funksioneer. Indien u meer inligting verlang, kontak Mev. Sherron de Koker by 082 354 5718.

## 9. SKOOLDRAG

Ons wil graag 'n vriendelike beroep op u doen om asseblief u kinders netjies in skooldrag geklee skool toe te stuur. Dit bevorder goeie dissipline by die skool en skep ook 'n eenheidsgevoel onder die leerders. Ons verskaffers van skooldrag is Ekspaar en MG's Schoolwear in Vanderbijlpark en White Cross in Vereeniging.

## 10. INFORMELE DRAG OP VRYDAE

Leerlinge mag hul Vrydagdrag op Vrydae dra. Leerlinge wat Provinsiale kleure verwerf het in 'n bepaalde sportkode, mag ook die T-hemp saam met die nuwe kortbroek dra. Let Wel: Indien u kind nie oor 'n T-hemp beskik nie, word die gewone skooldrag op Vrydae gedra en is die dra van enige ander informele drag nie toelaatbaar nie.

## 11. KLASPLASINGS

Neem kennis dat klasplasings vir 2024 per rekenaar geskied het. Ons kan dus nie aan versoeke voldoen om sekere leerlinge by spesifieke onderwysers te plaas nie. Alle onderwysers is ten volle gekwalifiseer en elkeen sal sy/haar bes doen om u kind te akkommodeer en gelukkig te hou. Byvoorbate dankie vir u begrip in die verband.

## 12. SELFONE

Neem asseblief kennis dat die **gebruik van selfone en “smart watches” gedurende skoolure nie toegelaat word nie** en dit mag onder geen omstandighede tydens skoolure aangeskakel wees nie. Indien ‘n leerder die **skoolreël** oortree, kan die foon of horlosie vir die res van die jaar gekonfiskeer word. Baie dankie vir u begrip in die verband.

## 13. SMS-KOMMUNIKASIE (QR KODE)

Ons wil graag deur middel van hierdie kommunikasie-medium met u kommunikeer. Hierdie diens word gratis deur die skool aan u verskaf.

Soos u reeds weet word ons nuusbriewe d.m.v. die QR kode aan u deurgegee. U kan dus sien hoe belangrik dit is dat ons u korrekte selfoonnommer het. Indien u nommer verander, bly dit u verantwoordelikheid om dit onder die skool se aandag te bring. U sal slegs ‘n sms ontvang dat die nuwe nuusbriewe beskikbaar is, en is dit u verantwoordelikheid om dit te skandeer en uself te vergewis van die inhoud van die nuusbriewe. Die nuusbriewe sal egter steeds ook op die skool se webwerf gelaai word. **Voltooi asseblief die vorm wat in u kind se besit is.**

## 14. INLIGTINGSAADE

Die inligtingsaande is as volg:

Maandag, 22 Januarie	: Gr. 3 in die saal (17:30)
Dinsdag, 23 Januarie	: Gr. RR - 2 in die klasse. (17:30)
	: Gr. 7 in die saal. (17:00 – 18:00)
	: Gr. 4 in die saal (18:00 – 19:00)
Woensdag, 24 Januarie	: Gr. 6 in die saal (17:00 – 18:00)
	: Gr. 5 in die saal (18:00 – 19:00)

## 15. BELANGRIKE DATUMS

Woensdag, 17 Januarie	: Individuele foto’s – Graad RR , Graad R en Graad 1.
Donderdag, 18 Januarie	: Individuele foto’s – Graad 2 – Graad 7.
Vrydag, 19 Januarie	: Huissport.
Donderdag, 25 Januarie	: Atletiek vs Vaalrivier en Totius tuis.
Woensdag, 31 Januarie	: Rekeningstate aan ouers.
Vrydag, 2 Februarie	: Atletiek vs Vryheidsmonument en Volksskool (Vryheidsmonument).
Woensdag, 7 Februarie	: Driehoek uitnodigingsbyeenkoms by Driehoek.
Maandag, 12 Februarie	: Mini-rugbyvergadering in skoolsaal 17:00.
	: Skaak begin
Vrydag, 16 Februarie	: Detensieklas 14:00 – 16:00.
Dinsdag, 20 Februarie	: Rugby- / Netbaloefening begin.
Donderdag, 29 Februarie	: Rekeningstate aan ouers.
	: Subsidie aansoeke sluit.
Vrydag, 8 Maart	: Koekverkoping – Graad R , Graad RR en Graad 7.
Dinsdag, 12 Maart	: Rugby aandreeks – O/11
Woensdag, 13 Maart	: Rugby aandreeks – O/11
Vrydag, 15 Maart	: Eligwa mini-rugby- / mini-netbaldag.
	: Detensieklas 14:00 – 16:00.
	: Netbaltoer (O/12 en 1ste span – Klein Kariba)
	: Boekbuddies
Woensdag, 20 Maart	: Rugbytoer – (21-24 Maart O/11 en 1 ste span - Jubaweni)
	: Skool sluit – vorderingsverslae – 07:00 tot 07:30

## 16. LEERDER ONDERSTEUNINGSMATERIAAL (LOM-FOOI)

Indien daar nog uitstaande LOM-FOOI is, versoek ons u vriendelik om dit so spoedig moontlik te betaal. Die bedrag beloop R350 per kind.

## 17. ROOK / DRANK

Skole is volgens wetgewing dwelmvrye areas. Ons wil dus dringend dog vriendelik 'n beroep op elkeen van u doen om **nie op die skoolterrein te rook of te drink nie**. Die wetgewing is ook van toepassing na ure op die skoolterrein asook gedurende sportdae op Saterdag. Dankie byvoorbaat vir u begrip.

## 18. HANDBOEKE

Ons doen 'n vriendelike beroep op die ouers om toe te sien dat u kinders die skool se handboeke mooi oppas. Handboeke is baie duur en word baie verniel deur die kinders.

## 19. DETENSIE

Hier is net weer 'n kort verduideliking van hoe die detensieklasse werk. Elke kind van Graad 4 tot 7 begin aan die begin van die jaar met 100 punte. Vir elke oortreding (onnodig praat in klasse, huiswerk wat nie gedoen word nie, ens.) word 2 punte afgetrek. Sodra 'n leerling op 80 punte kom, moet hy 'n detensieklas bywoon.

Die detensieklasse is op 7 vasgestelde Vrydae wat sal strek vanaf 14:00 tot 16:00. Wanneer die klas bygewoon word, word die leerder se punt weer herstel na 100 punte. Indien die leerder nie die detensieklas bywoon nie, sal 'n voorreg weggevat word bv. mag nie aan die waterkaskenades deelneem nie, mag nie op 'n uitstappie of toer gaan nie, ens. Indien daar 2 detensieklasse **voor** 'n voorreg is, mag die leerling kies watter een hy/sy wil bywoon om weer hy/sy punte te herstel na 100. Indien u dus beplan het om vir 'n naweek weg te gaan, maar dit val op die Vrydag van die eerste detensieklas, **moet** die leerder die 2de detensieklas bywoon om weer by 100 punte uit te kom en 'n voorreg te geniet. Byvoorbaat dankie vir u samewerking en begrip. Die detensiedatums vir 2024 is as volg:

16 Februarie, 15 Maart, 10 Mei, 31 Mei, 2 Augustus, 6 September en 18 Oktober.

## 20. SKOOLREËLS

Ons beplan om die skoolreëls weer met die leerlinge op te skerp. Vir u aandag sluit ons 'n kopie van die reëls in. Ons versoek u vriendelik om uself daarvan te vergewis en tyd af te staan om dit ook met u kind te bespreek. Voltooi asseblief die afskeurstrokie onderaan die skoolreëls en handig dit in by die registerpersoneel. Die skoolreëls is in u kind se besit.

## 21. FOTO'S (FACEBOOK EN WEBBLAD)

Ons neem op 'n gereelde basis foto's van ons leerlinge gedurende sportbyeenkomste of ander skoolaktiwiteite. Indien u nie wil hê dat u kind se foto op een van bogenoemde 2 platvorms geplaas mag word nie, versoek ons u vriendelik om 'n skrywe aan die skool te rig sodat ons dit op u kind se lêer kan plaas.

Eligwagroete

---

Bennie Boshoff  
Hoof